



## **Njoftim për shtyp, datë 23 Dhjetor 2021**

23 December, 2021 by **KLGJ** in **NJOFTIME PËR SHTYP**

Sot, në datën 23.12.2021, Këshilli i Lartë Gjyqësor zhvilloi mbledhjen plenare të radhës, në të cilën shqyrtoi çështjet si vijon:

Këshilli i Lartë Gjyqësor, në përmbushje të detyrave kushtetuese për të garantuar mbarëvajtjen e pushtetit gjyqësor në Republikën e Shqipërisë, vendosi ngritjen në detyrën e gjyqtares së Gjykatës të Apelit Tiranë, znj. Emona Muçi dhe znj. Alma Ahmeti, si dhe përfundimin e procedurës së ngritjes në detyrë në Gjykatën e Apelit Tiranë, për pozicionin e lirë në fushën e të drejtës civile, të shpallur me vendimin nr.183, datë 28.05.2020, për kandidaten znj. Arta Duka.

Në vijim të plotësimit të vendeve vakante në gjykatat e Posaçme për Korrupsionin dhe Krimin e Organizuar, Këshilli vendosi ngritjen në detyrën e gjyqtares së Gjykatës së Posaçme të Apelit për Korrupsionin dhe Krimin e Organizuar, znj. Igerta Hysi, si dhe pas miratimit të renditjes së kandidatëve, ngritjen në detyrën e gjyqtarit të Gjykatës së Posaçme të Shkallës së Parë për Korrupsionin dhe Krimin e Organizuar, z. Erjon Bani.

Më qëllim mirëfunksionimin e gjykatave të apelit Vlorë dhe Korçë, pas miratimit të renditjes së kandidatëve, Këshilli vendosi ngritjen në detyrën e gjyqtares të Gjykatës së Apelit Korçë, znj. Arta Duka dhe ngritjen në detyrën e gjyqtarit të Gjykatës së Apelit Vlorë, z. Genti Dokollari.

Gjithashtu, për shkak të ngritjes në detyrë, Këshilli vendosi përfundimin para afatit të shërbimit në skemën e delegimit, për gjyqtarët znj. Arta Duka dhe z. Erjon Bani.

Këshilli vendosi deklarin e përfunduar pa një vendim përfundimtar të procedurës së verifikimit të kushteve dhe kritereve ligjore të pozicionit, të pasurisë dhe figurës, për kancelarin në Gjykatën Administrative të Shkallës së Parë {...}, si dhe zgjatjen e afatit të lejes prindërore për gjyqtaren znj. Ejona Lazellari.

Në kuadër të mirëadministrimit të fondeve buxhetore, Këshilli vendosi detajimin e fondeve buxhetore të vitit 2022, për sistemin gjyqësor.

Pas fillimit të detyrës nga anëtarët e rinj nga radhët e gjyqtarëve, Këshilli vendosi ndryshimin e vendimit nr.13, datë 18.01.2019, “Mbi ngritjen dhe përbërjen e Komisioneve të Përhershme”.

***Informacioni i mësipërm është marrë në faqen zyrtare të KLGJ-së në rubrikën e njoftimeve në linkun:***

***<https://klgj.al/2021/12/njoftim-per-shtyp-date-23-dhjetor-2021/>***